



ԵՐԵՎԱՆ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ
ԱԶԱՓՆՅԱԿ-2 ՆՍՏԱՎԱՅՐ

(ՀՀ, համայնք ԵՐԵՎԱՆ, ԱԶԱՓՆՅԱԿ, ՀԱԼԱԲՅԱՆ Փ., շենք 41Ա, 10-ԲԴ ՀԱՐԿ)



Սույն փաստաթղթի իսկությունը հնարավոր է ստուգել <https://verify.e-gov.am> կայք
ուև մուտքագրելով IE40-744C-4B4D-B09A հսկիչ համարը կամ սքանավորելով QR կոդը:

Քաղաքացիական գործ թիվ ԵԴ2/2831/02/26

ՈՐՈՇՈՒՄ
ՀԱՅՅԻ ՀԻՄՔԻ ԵՎ ԱՌԱՐԿԱՅԻ
ՓՈՓՈԽՈՒԹՅՈՒՆԸ ԹՈՒՅԼԱՏՐԵԼՈՒ ՎԵՐԱԲԵՐՅԱԼ
ՄԻՋՆՈՐԴՈՒԹՅՈՒՆԸ ՔՆՆԱՐԿԵԼՈՒ ՄԱՍԻՆ

22.04.2026թ.

ք. Երևան

Երևան քաղաքի առաջին ատյանի ընդհանուր իրավասության քաղաքացիական դատարանը, դատավոր Ս. Երիցյանի նախագահությամբ (այսուհետ նաև՝ Դատարան), քննարկելով ըստ հայցի «Լուխոֆտ» ՍՊԸ-ի (այսուհետ նաև՝ Հայցվոր) ընդդեմ ՀՀ արդարադատության նախարարության (այսուհետ նաև՝ Պատասխանող), վեճի առարկայի նկատմամբ ինքնուրույն պահանջներ չներկայացնող երրորդ անձ՝ «Հելիքս Կոնսալտինգ» ՍՊԸ-ի (այսուհետ նաև՝ Երրորդանձ)՝ հայտն անբավարար գնահատելու և մերժելու մասին որոշումն անվավեր ճանաչելու պահանջի մասին, քաղաքացիական գործով Հայցվորի ներկայացուցչի կողմից ներկայացված հայցի հիմքի և առարկայի փոփոխությունը թույլատրելու մասին միջնորդությունը,

ՊԱՐԶԵՑ

Հայցվորի ներկայացուցիչը հայցադիմում է ներկայացրել դատարան ընդդեմ Պատասխանողի՝ հայտն անբավարար գնահատելու և մերժելու մասին որոշումն անվավեր ճանաչելու պահանջիմասին:

Հայցադիմումն էլեկտրոնային համակարգի միջոցով դատարան ներկայացվել է 14.03.2026 թվականին, կազմվել է թիվ ԵԴ2/2831/02/26 քաղաքացիական գործն, որը **մակագրվել է** Երևան քաղաքի առաջին ատյանի ընդհանուր իրավասության քաղաքացիական դատարանի դատավոր Ս. Երիցյանին **16.03.2026 թվականին, ժամը 21:32-ին**, իսկ հասանելի է դարձել **17.03.2026 թվականին**:

Դատարանի 19.03.2026 թվականի որոշմամբ հայցադիմումն ընդունվել է վարույթ:

Դատարանի 24.03.2026 թվականի որոշմամբ ՀՀ արդարադատության նախարարի միջնորդությունը՝ գնման գործընթացի կասեցումը վերացնելու մասին, բավարարվել է, և վերացվել է թիվ «ՀՀԱՆ-ԲՄԽԾԶԲ-26/05» ծածկագրով գնման գործընթացի՝ օրենքի ուժով առաջացած կասեցումը:

Դատարանի 30.03.2026 թվականի որոշմամբ որոշվել է թիվ ԵԴ2/2831/02/26 քաղաքացիական գործը քննել գրավոր ընթացակարգով և եզրափակիչ դատական ակտի հրապարակման օր նշանակել 29.04.2026 թվականին՝ հրապարակելով դատական իշխանության պաշտոնական կայքում:

Դատարանի 01.04.2026 թվականի որոշմամբ «Հելիքս Կոնսալտինգ» ՍՊԸ-ն ներգրավվել է որպես հայցվոր կողմում վեճի առարկայի նկատմամբ ինքնուրույն պահանջներ չներկայացնող երրորդ անձ:

Դատարանի 10.04.2026 թվականի որոշմամբ Հայցվորի ներկայացուցչի միջնորդությունը՝ գործը դատական նիստում քննելու մասին, մերժվել է:

Հայցվորի ներկայացուցչի կողմից 21.04.2026 թվականին ներկայացվել է միջնորդություն՝ հայցի հիմքի և առարկայի փոփոխությունը թույլատրելու մասին:

Դատարանն, ուսումնասիրելով ներկայացված միջնորդությունը և այն համադրելով ներկայացված հայցադիմումի հետ՝ արձանագրում է հետևյալը՝

ՀՀ քաղաքացիական դատավարության օրենսգրքի 170-րդ հոդվածի 1-ին մասի համաձայն՝ հայցվորը հայցի առարկայի և հիմքի կամ դրանցից յուրաքանչյուրի փոփոխությունը թույլատրելու վերաբերյալ ներկայացնում է գրավոր միջնորդություն մինչև ապացուցման պարտականությունը բաշխելու մասին որոշում կայացնելը:

ՀՀ քաղաքացիական դատավարության օրենսգրքի 170-րդ հոդվածի 2-րդ մասի համաձայն՝ սույն օրենսգրքի հիմաստով՝ հայցի առարկայի փոփոխությունը հայցվորի կողմից պատասխանողին ուղղված նյութաիրավական պահանջն այլ պահանջով փոխարինելը, պահանջը փոփոխելը կամ լրացնելն է, այդ թվում՝ պահանջների չափնավելացնելը կամ նվազեցնելը, որը թույլատրում է առաջին ատյանի դատարանը:

ՀՀ քաղաքացիական դատավարության օրենսգրքի 170-րդ հոդվածի 3-րդ

մասի համաձայն՝ սույնօրենսգրքի իմաստով՝ հայցի հիմքի փոփոխությունը հայցվորի կողմից հայցի հիմքում սկզբնապես դրված փաստերն այլ փաստերով փոխարինելն է, ինչպես նաև հայցի հիմքում դրված փաստերի շրջանակը ճշգրտելն է այն լրացնելու կամ պակասեցնելու եղանակով:

ՀՀ քաղաքացիական դատավարության օրենսգրքի 170-րդ հոդվածի 4-րդ մասի համաձայն՝ առաջին ատյանի դատարանը հայցի առարկայի կամ հիմքի փոփոխությունը թույլատրելու կամ մերժելու վերաբերյալ կայացնում է առանձին դատական ակտի ձևով որոշում, բացառությամբ այն դեպքերի, երբ այդ միջնորդությունը քննարկվել և այն թույլատրելու կամ մերժելու վերաբերյալ որոշումը կայացվել է դատական նիստում՝ գործին մասնակցող անձանց ներկայությամբ:

ՀՀ քաղաքացիական դատավարության օրենսգրքի 170-րդ հոդվածի 5-րդ մասի համաձայն՝ հայցի առարկայի կամ հիմքի փոփոխությունը թույլատրելու վերաբերյալ միջնորդությունը դատարանը մերժում է, եթե այն բավարարելու դեպքում փոփոխվում է այն իրավունքը կամ օրենքով պահպանվող շահը, որի պաշտպանության նպատակով հայցը սկզբնապես հարուցվել է, կամ քննվող գործը դուրս է գալու առաջին ատյանի դատարանի ենթակայության սահմաններից:

Վերոգրյալ իրավական նորմերի վերլուծության արդյունքում Դատարանը հարկ է համարում արձանագրել, որ ՀՀ քաղաքացիական դատավարության օրենսգրքի 170-րդ հոդվածի 5-րդ մասը հայցի հիմքի և առարկայի կամ դրանցից յուրաքանչյուրի թույլատրելիության համար սահմանել է երկու չափանիշի միաժամանակյա առկայություն՝ հայցի հիմքի և առարկայի կամ դրանցից յուրաքանչյուրի փոփոխությունը դատարանն ընդունում է, եթե չի փոփոխվում այն իրավունքը կամ օրենքով պահպանվող շահը, որի պաշտպանության նպատակով հայցը սկզբնապես հարուցվել է և քննվող գործը դուրս չի գալու առաջին ատյանի դատարանի ենթակայության սահմաններից:

ՀՀ քաղաքացիական դատավարության օրենսգրքի 102-րդ հոդվածի 11-րդ մասի համաձայն՝ հայցի առարկան փոփոխելու դեպքում պետական տուրքի գումարի չբավականացնող մասը գանձվում է հայցի առարկան փոփոխելիս՝ փոփոխված հայցի առարկային համապատասխան:

Վերոնշյալ հոդվածի վերլուծությունից հետևում է, որ հայցի առարկան փոփոխելու դեպքում սահմանված է պետական տուրքի գանձման պահանջ այն դեպքում, երբ հայցի առարկան փոփոխելու դեպքում սկզբնական հայցով վճարված պետական տուրքի գումարը չի բավականացնում: Ընդ որում, պետական տուրքը գանձվում է հայցի առարկան փոփոխելիս, հետևաբար հայցի առարկայի փոփոխության դեպքում դատարանը պետք է անդրադառնա նաև պետական տուրքի գանձման հարցին՝ հիմք ընդունելով ՀՀ քաղաքացիական դատավարության օրենսգրքի 102-րդ հոդվածի 11-րդ մասը:

Վերոգրյալը հաշվի առնելով Դատարանը գտնում է, որ տվյալ դեպքում հայցի հիմքի և առարկայի փոփոխությունը թույլատրելու մասին

միջնորդությունը բավարարելու դեպքում իրավունքիկամ օրենքով պահպանվող շահի փոփոխությունն առկա չէ, ինչպես նաև քննվող գործը դուրսչի գա առաջին ատյանի դատարանի ենթակայության սահմաններից, բացի այդ հայցի նորառարկայի շրջանակներում պետական տուրքի չբավականացնող մասը վճարվել է Հայցվորիկողմից, հետևաբար Հայցվորիներկայացուցչի միջնորդությունը՝ հայցի հիմքի և առարկայի փոփոխությունը թույլատրելու մասին, ենթակա է բավարարման:

ՀՀ քաղաքացիական դատավարության օրենսգրքի 119.5-րդ հոդվաի համաձայն՝

(...)

3. Համակարգն օգտագործող անձիհամար դատական ակտը համարվում է հրապարակված (կամ կայացված), եթե այն Համակարգիմիջոցով **հասանելի է դարձել** Համակարգն օգտագործող անձին:

4. Համակարգն օգտագործող անձիհամար դատական ակտը համարվում է վերջինիս ուղարկված, եթե այն **Համակարգիմիջոցով հասանելի է** դարձել Համակարգն օգտագործող անձին:

5. Դատական ակտերը համարվում ենՀամակարգն օգտագործող անձի կողմից ստացված դրանք իրեն **հասանելի դառնալու պահիցերեք աշխատանքային օր հետո**:

(...)

ՀՀ քաղաքացիական դատավարության օրենսգրքի 234.7 հոդվածի համաձայն՝ հայցադիմումի պատասխանը կամհայցային վաղեմություն կիրառելու մասին միջնորդությունը ներկայացվում էհայցադիմումը վարույթ ընդունելու մասին որոշումն ստանալուց հետո՝ հնգօրյաժամկետում:

Տվյալդեպքում հայցվոր՝ «Լուիսոֆտ» ՍՊԸ-ի ներկայացուցչիմիջնորդությունը՝ հայցի հիմքի և առարկայի փոփոխությունը թույլատրելու մասին, բավարարման ենթակա լինելուպայմաններում Դատարանը գտնում է, որ պատասխանող՝ ՀՀ արդարադատության նախարարությանը և երրորդ անձ՝ «Հելիքս Կոնսալտինգ» ՍՊԸ-ինպետք է տրամադրվի սույն դատականակտը ստանալուց հետո **հնգօրյա ժամկետ**՝ փոփոխված հայցադիմումի վերաբերյալ հայցադիմումի պատասխան ներկայացնելու համար:

Հաշվի առնելով վերոգրյալը ևդեկավարվելով ՀՀ քաղաքացիական դատավարության օրենսգրքի 170-րդ, 188-րդ, 199-րդ և 200-րդ հոդվածներով՝

ՈՐՈՇԵՑ

1. Ըստ հայցի «Լուիսոֆտ» ՍՊԸ-ի ընդդեմ ՀՀ արդարադատության նախարարության, վեճի առարկայի նկատմամբինքնուրույն պահանջներ

չներկայացնող երրորդ անձ՝ «Հելիքս Կոնսալտինգ» ՍՊԸ-ի՝ հայտնանքավարար գնահատելու և մերժելու մասին որոշումն անվավեր ճանաչելու պահանջի մասին, քաղաքացիական գործով Հայցվորի ներկայացուցչի կողմից ներկայացված միջնորդությունը՝ հայցի հիմքի և առարկայի փոփոխությունը թույլատրելու մասին բավարարել.

Թույլատրելի հայցի հիմքը փոփոխել և լրացնել հետևյալ բովանդակությամբ.

«ՀՀ արդարադատության նախարարությունը, ի դեմս ՀՀ արդարադատության նախարարության գլխավոր քարտուղար Համլետ Հարությունյանի, 16.04.2026թ-ին կայացրել է N ՀՀԱՆ-ԳՔ-2026/01 որոշումը՝ «ԼՈՒԻՍՈՖՏ» ՍՊԸ-ն /կոնսորցիում «Դունայս» ՍՊԸ/-ին գնումների գործընթացին մասնակցելու իրավունք չունեցող մասնակիցների ցուցակում ներառելու վերաբերյալ /կցվում է/:

Վերոհիշյալ որոշման համաձայն նշվել է հետևյալը.

Քննարկվող դեպքում, ինչպես նշվել է սույն որոշման 1-ին բաժնի 1.5-րդ կետում, 05.03.2026 թվականին կայացած նիստի շրջանակներում արձանագրված ոչ բոլոր անհամապատասխանություններն են շտկվել Հայցվորի կողմից: Դրանք շտկվել են մասամբ (մասնագիտական փորձառության մասով բացառապես N 5 Արձանագրության 1-ին կետով արձանագրված, ինչպես նաև նույն Արձանագրության 6-րդ կետով աշխատանքային ռեսուրսներին ներկայացվող պահանջների մասով արձանագրված անհամապատասխանության մասով), չի շտկվել մասնագիտական փորձառության մասով N 5 Արձանագրության 2-5-րդ կետերով արձանագրված անհամապատասխանությունը: Նման պայմաններում, Գնահատող հանձնաժողովը 09.03.2026 թվականին տեղի ունեցած նիստում որոշել է մերժել մասնակցի հայտը՝ Մասնագիտական փորձառություն որակավորման չափանիշին չհամապատասխանելու հիմքով պայմանավորված:

Արդյունքում, Մասնակցի կողմից գնման գործընթացի շրջանակում ստանձնած պարտավորության խախտումը հանգեցրել է Պատվիրատուի կողմից գնման գործընթացին «ԼՈՒԻՍՈՖՏ» ՍՊԸ-ի և «ԴՈՒՆԱՅՍ» ՍՊԸ-ի համատեղ գործունեության կարգով (կոնսորցիում) հետագա մասնակցության դադարեցմանը: Ելնելով վերոգրյալից և հաշվի առնելով այն հանգամանքը, որ առկա է Օրենքի 6-րդ հոդվածի 1-ին մասի 6-րդ կետով սահմանված իրավական հիմքը, ղեկավարվելով Օրենքի 6-րդ հոդվածի 2-րդ մասով՝ ՈՐՈՇՈՒՄ ԵՍ «ԼՈՒԻՍՈՖՏ» ՍՊԸ-ին և «ԴՈՒՆԱՅՍ» ՍՊԸ-ին համատեղ գործունեության կարգով (կոնսորցիում) ներառել գնումների գործընթացին մասնակցելու իրավունք չունեցող մասնակիցների ցուցակում:

(...)

Պտնում ենք, որ ՀՀ արդարադատության նախարարության գլխավոր քարտուղար Համլետ Հարությունյանի 16.04.2026թ-ին կայացրած N ՀՀԱՆ-ԳՔ-2026/01 որոշումը՝ «ԼՈՒԻՍՈՖՏ» ՍՊԸ-ն /կոնսորցիում «Դունայս» ՍՊԸ/-ին գնումների գործընթացին

մասնակցելու իրավունք չունեցող մասնակիցների ցուցակում ներառելու վերաբերյալ իրավաչափ չէ և հակասում է գնումների մասին ՀՀ օրենսդրությանը հետևյալ հիմնավորմամբ.

(...)

Ամբողջացնելով վերոգրյալը, գալիս ենք այն եզրակացությանը, որ մասնակցին՝ գնումների գործընթացին մասնակցելու իրավունք չունեցող մասնակիցների ցուցակում ընդգրկելու համար անհրաժեշտ 3 նախապայմաններից առնվազն 1-ը բացակայում են՝ մասնակցի վրա դրված չի եղել պայմանագրի և որակավորման ապահովման ապահովումներ կայացնելու պարտավորություն:

Ելնելով այն հանգամանքից, որ Որոշման մեջ առկա չեն փաստական հանգամանքներ, որոնք կարող էին ընկած լինել Որոշման հիմքում, իսկ Որոշման իրավական հիմքը անտեղի է և կապ չունի մասնակցի կողմից ստանձնած պարտավորությունների անգամենթադրյալ խախտման հետ, հանգում ենք այն եզրակացությանը, որ Որոշումը գուրկ է իրավական հիմքերից և չի պարունակում տեղեկատվություն այն փաստական հանգամանքների վերաբերյալ, որոնց վրա հիմնվել է պատվիրատուի ղեկավարը՝ Որոշումը կայացնելիս: Նմանապայմաններում գտնում ենք, որ Վիճարկվող որոշումը չի կարող համարվել ո՛չ օրինական, ո՛չ հիմնավորված: Ընդ որում, Գնումների մասին ՀՀ օրենքի 6-րդ հոդվածի 2-րդ մասի համաձայն Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում պատվիրատուի ղեկավարի պատճառաբանված որոշման հիման վրա: Սույն մասում նշված որոշումը պատվիրատուի ղեկավարը կայացնում է գնման ընթացակարգը չկայացած հայտարարվելու կամ կնքված պայմանագրի վերաբերյալ հայտարարությունը հրապարակելու կամ պայմանագիրը միակողմանի լուծելու մասին հայտարարությունը հրապարակելու օրվան հաջորդող տասն օրվա ընթացքում:

(...)

Սույն գործում առկա փաստերից հետևում է, որ «ԼՈՒԻՍՈՖՏ» ՍՊԸ-ն /կոնսորցիում «Դունայս» ՍՊԸ/-ի վերաբերյալ գնումների գործընթացին մասնակցելու իրավունք չունեցող մասնակիցների ցուցակում ներկառելու վերաբերյալ որոշումը կայացվել է վերոնշյալ միաժամանակյա վավերապայմաններից միայն այն հիմքով, որ վերջինս ենթադրաբար խախտել է գնման ընթացակարգի շրջանակներում ստանձնած պարտավորություն: Սակայն, հարկ ենք համարում փաստել, որ սույն դեպքում միայն այդ հիմքի ի հայտ գալը դեռ բավարար չէր Ընկերությանը ցանկում ներառելու մասին որոշում կայացնելու համար: Վերջինս կարող էր ցանկում ներառվել գնման գործընթացով ստանձնած պարտավորության խախտման և հայտի, պայմանագրի և (կամ) որակավորման ապահովման գումարը չվճարելու հիմքերի միաժամակյա առկայության դեմքում, ինչը մեր դեպքում առկա չէ:

(...)

Սույն գործում առկա փաստերից հետևում է, որ «ԼՈՒԻՍՈՖՏ» ՍՊԸ-ն/կոնսորցիում «Դունայս» ՍՊԸ/-ի վերաբերյալ գնումների գործընթացին մասնակցելու իրավունք չունեցող մասնակիցների ցուցակում ներառելու վերաբերյալ որոշումը կայացվել է վերոնշյալ միաժամանակյա վավերապայմաններից միայն այն հիմքով, որ վերջինս ենթադրաբար խախտել է գնման ընթացակարգի շրջանակներում ստանձնած պարտավորություն:

Սակայն, հարկ ենք համարում փաստել, որ սույն դեպքում միայն այդ հիմքի ի հայտ գալը դեռ բավարար չէր ընկերությանը ցանկում ներառելու մասին որոշում կայացնելու համար: Վերջինս կարող էր ցանկում ներառվել գնման գործընթացով ստանձնած պարտավորության խախտման և հայտի, պայմանագրի և (կամ) որակավորման ապահովման գումարը չվճարելու հիմքերի միաժամակյա առկայության դեպքում, ինչը մեր դեպքում առկա չէ:

Մասնակիցն ընդգրկվում է նշված ցուցակում, եթե`

ա. խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարը:

«Գնումների մասին» ՀՀ օրենքի 16-րդ հոդվածի 1-ին մասի 1-ին կետի համաձայն` նորմատիվ իրավական ակտում նորմի կիրառման համար թվարկված բոլոր պայմանների առկայությունը պարտադիր է, եթե իրավական ակտում նշված նորմի կիրառումը պայմանավորված է միայն կամ շաղկապով բաժանված պայմաններով:

Հետևաբար, վերոնշյալ վավերապայմաններից թեկուզև մեկի բացակայությունը բացառում է այդ հիմքով մասնակցին գնման գործընթացին մասնակցելու իրավունք չունեցող մասնակիցների ցուցակում ներառելը:

Գնման գործընթացում այդ վավերապայմաններից մեկի` մասնակցից անկախ պատճառներով բացակայելը չի կարող մեկնաբանվել ի վնաս մասնակցի, և մասնակցին վերոնշյալ ցուցակում ներառելու հարցը քննարկելիս չի կարող արձանագրվել վավերապայմանի պահպանված չլինելը, քանի որ առնվազն նորմի դիսպոզիցիայում <> վավերապայմանի մասը պահպանված լինելու հանգամանքը չի կարող պարզաբանվել նման պահանջ ընդհանրապես բացակայելու պատճառով: Հետևաբար` սահմանված ժամկետում հայտի ապահովման գումարը վճարելու պահանջ նախատեսված չլինելն ինքնաբերաբար չի կարող հանգեցնել այդ վավերապայմանի առկայության վերաբերյալ եզրահանգման, քանի որ օրենսդիրը, այդ պայմանները շաղկապելով, հստակ նպատակ է հետապնդել բացասական հետևանքի` գնումների գործընթացին մասնակցելու իրավունք 7 չունեցող մասնակիցների ցուցակում

ներառվելու վրա հասնելը պայմանավորել միայն երկու վավերապայմանների համաժամանակյա առկայությամբ:

(...)

Անհրաժեշտ է արձանագրել, որ թիվ «ՀՀԱՆ-ԲՄԽԾՁԲ-26/05» ծածկագրով գնման ընթացակարգի շրջանակներում հայցվորի կոնսորցիումի վրա չի առաջացել որևէ որոշակի ապահովման գումար վճարելու պարտավորություն: Հետևաբար, եթե նույնիսկ գնահատող հանձնաժողովի կողմից Հայցվոր կողմի ներկայացրած հայտը՝ ըստ Կարգի 32-րդ կետի 19-րդ ենթակետի գնահատվել է որպես «գնման գործընթացում ստանձնած պարտավորության խախտում» և դրա հետևանքով դադարեցվել է նրա մասնակցությունը տվյալ ընթացակարգին, այնուամենայնիվ Օրենքի 6-րդ հոդվածի 1-ին մասի 6-րդ կետի «ա» ենթակետի հիմքով հայցվորին գնումներին մասնակցելու իրավունք չունեցող մասնակիցների ցուցակում ներառելու համար պահանջվող վերջին նախապայմանը՝ ապահովման գումարի չվճարումը, տվյալ գործով բացակայում է:

Ելնելով վերոգրյալից և հաշվի առնելով այն, որ Օրենքի 6-րդ հոդվածի 1-ի մասի 6-րդ կետի «ա» ենթակետում օգտագործված «սահմանված ժամկետում չի վճարել» ձևակերպումը կարող է գործել միայն այն դեպքում, երբ գոյություն ունի օրենքով կամ հրավերով ձևավորված պարտադիր վճարման պահանջ, գտնում ենք, որ թիվ «ՀՀԱՆ-ԲՄԽԾՁԲ-26/05» ծածկագրով գնումների ընթացակարգի որևէ փուլում ապահովման գումար վճարելու պարտավորություն առաջացած չլինելու պայմաններում չի կարող առաջանալ նաև «սահմանված ժամկետում չվճարելու» իրավիճակ:

Գտնում ենք, որ վերոշարադրված փաստերի առկայության պարագայում «ԼՈՒԻՍՈՖՏ» ՍՊԸ-ն /կոնսորցիում «Դունայս» ՍՊԸ/-ին գնումների գործընթացին մասնակցելու իրավունք չունեցող մասնակիցների ցուցակում ներառելու մասին որոշումը իրավաչափ չէ:

Գտնում ենք, որ ՀՀԱՆ-ԲՄԽԾՁԲ-26/05 ծածկագրով բաց մրցույթի գնահատող հանձնաժողովի կողմից 09.03.2026թ. հրավիրված նիստի թիվ 6 արձանագրությամբ կայացված՝ «ԼՈՒԻՍՈՖՏ» ՍՊԸ /կոնսորցիում «Դունայս» ՍՊԸ/-ի հայտը անբավարար գնահատելու և մերժելու մասին որոշման հիմքով՝ ՀՀ արդարադատության նախարարության գլխավոր քարտուղար Համլետ Հարությունյանի 16.04.2026թ-ին կայացրած N ՀՀԱՆ-ԳՔ-2026/01 որոշումը՝ «ԼՈՒԻՍՈՖՏ» ՍՊԸ-ն /կոնսորցիում «Դունայս» ՍՊԸ/-ին գնումների գործընթացին մասնակցելու իրավունք չունեցող մասնակիցների ցուցակում ներառելու վերաբերյալ որոշումը իրավաչափ չէ, քանի որ այն ընդունվել է գնումների մասին ՀՀ օրենսդրության վկայակոչված նորմերի խախտմամբ, իսկ վերոհիշյալ հայտի մերժումն էլ եղել է ոչ իրավաչափ, որի հետևանքով իրավաչափ չէ նաև ՀՀ արդարադատության նախարարության գլխավոր քարտուղար Համլետ Հարությունյանի 16.04.2026թ-ին կայացրած N ՀՀԱՆ-ԳՔ-2026/01 որոշումը:

(...)

Թույլատրելի հայցի առարկան **փոփոխել և լրացնել** հետևյալ բովանդակությամբ.

«2. Անվավեր ճանաչել «ԼՈՒՒՍՈՖՏ» ՍՊԸ-ն /կոնսորցիում «Դունայս» ՍՊԸ/-ին գնումների գործընթացին մասնակցելու իրավունք չունեցող մասնակիցների ցուցակում ներառելու մասին՝ ՀՀ արդարադատության նախարարության գլխավոր քարտուղար Համլետ Հարությունյանի 16.04.2026թ-ին կայացրած N ՀՀԱՆ-ԳՔ-2026/01 որոշումը:»

2. Պատասխանող՝ ՀՀ արդարադատության նախարարությանը և երրորդ անձ՝ «ՀելիքսԿոնսալտինգ» ՍՊԸ-ին տրամադրել սույն որոշումը ստանալուց հետո հնգօրյա ժամկետ՝ փոփոխված հայցադիմումի վերաբերյալ հայցադիմումի պատասխան ներկայացնելու համար:

Որոշումն օրինական ուժի մեջ է մտնում կայացման պահից և ենթակա չէ բողոքակման:

ԴԱՏԱՎՈՐ

Ս. ԵՐԻՅՅԱՆ